



ԱՄՆ-Ի ՀԱՅՈՑ ԱՐԵՎԵԼՅԱՆ ԹԵՄԻ 78-ՐԴ ՏԱՐԵԿԱՆ
ԹԵՄԱԿԱՆ ՊԱՏԳԱՄԱՎՈՐԱԿԱՆ ԺՈՂՈՎԻ
ԳՈՒՄԱՐՈՒՄԸ

ԱՄՆ-ի հայոց արևելյան թեմի 78-րդ տարեկան թեմական պատգամավորական ժողովը գումարվել է Վաշինգտոնի հայոց Ս. Աստվածածին եկեղեցում մայիսի 29—31 օրերին՝ թեմակալ առաջնորդ Տ. Թորգոմ արքեպ. Մանուկյանի աղոթքով և նախագահությամբ:

Ժողովը հոտակալա ունկնդրում է Ամենայն Հայոց Վեհափառ Հայրապետի մայիս 1980 թվակիր ողջույնի և օրհնության պատգամը, որը պատրաստվել էր այն մտածումով, որ Նորին Սրբությունը անձամբ այն ներկայացներ պատգամավորական ժողովին: Ինչպես հայտնի է, Վեհափառ Հայրապետը առողջական պատճառներով չկարողացավ ներկա լինել պատգամավորական ժողովին:

Հայոց Հայրապետի պատգամը տպագրվել է «Էջմիածին» ամսագրի 1980 թվականի մայիս համարում (էջ 6):

Հայրապետական պատգամի ընթերցումից հետո, հանուն պատգամավորական ժողովի, Տ. Թորգոմ արքեպ. Մանուկյանը Վեհափառ Հայրապետին է ուղարկում հետևյալ հեռագիրը.

«Վեհափառ Տեր,

Հայաստանյայց Եկեղեցվո Հյուսիսային Ամերիկայի արևելյան թեմի 78-րդ տարեկան թեմական պատգամավորական ժողովը գումարվեցավ Վաշինգթոնի մեջ, հյուրընկալությամբ Ս. Աստվածածին Հայց. Եկեղեցվո, հիմադրքի մայիս 29-են մինչև շաբաթ մայիս 31:

Թեմական պատգամավորները որոնք խանդավառությամբ պատրաստ էին վայել-

լելու Ձերդ Սրբության շնորհաբեր այցելությունը՝ խոր ցավ կհայտնեն որ առողջական պատճառներով հետաձգված է Վեհիդ ճամբորդությունը:

Պատգամավորական ժողովի Ա. Ախտի ընթացքին կարդացվեցավ Ձերդ Վեհափառության ողջույնի և օրհնության պատգամը: Ներկա ժողովականները Ձերդ Սրբության և Մայր Աթոռ Սուրբ Էջմիածնի հանդեպ արձանագրեցին իրենց խոր հարգանքը և անվերապահ հավատարմությունը, նաև կհղեն իրենց սրտաբուխ շնորհավորությունը Վեհիդ գահակալության 25-րդ տարեդարձի ուրախ առթիվ:

Կաղոթենք որ Ամենակալն Աստված միշտ անասան, պայծառ ու բարգավաճ պահե Հայաստանյայց Եկեղեցին՝ Մայր Աթոռ Սուրբ Էջմիածնի հովանիին ներքև, և Ձերդ Սրբության պարգևե մշտադառն քաջառողջ և արևշատ տարիներ:

Այնուհետև, առաջնորդ սրբազանը հատենի ժողովի ընթերցում է տարեկան իր ողերձ-գեկուցումը, իր թեմական, եկեղեցական, մշակութային, կրթական գործունեության մասին, որ ի մասնավորի նշել էր նաև, որ

«...Այս տարի կլրանա Նորին Ս. Օծության բեղմնավոր գահակալության 25-ամյակը, Մայր Աթոռ Ս. Էջմիածնի մեջ, աստվածաշնչական Արարատի շուքին: Նվիրական պարտականությունը պիտի լինի Հայաստանյայց Եկեղեցվո Հյուսիսային Ամերիկայի արևելյան վիճակի տարեկան թեմական պատգամավորական ժողովին՝ մեր բոլորիս անխախտ հավատարմությունը

ներկայացնելու Հայոց Հայրապետին, որ մշտապես մեզ կհորդորե ավելի լավ ճանաչել մեր քրիստոնեական ժառանգությունը, մեր քաղցրաբարբառ լեզուն, մեր անցյալը՝ իր ստեղծագործություններով, հերոսական պայքարներով՝ միշտ հանուն քրիստոնեական հավատքի, և մեր ժողովուրդի ազատության: Արթուն պահել ոգին, հպարտությունը հայ ըլլալու, հայ ապրելու այս աշխարհի վրա»:

Առաջնորդ սրբազանի տարեկան զեկուցագրից երևում է, որ այսօր ԱՄՆ-ի հայոց արևելյան թեմում գործում են «46 կազմակերպված և 12 ոչ լրիվ կազմակերպված համայնքներ, 57 հոգևորականներ, որոնցմե 50-ը կծառայեն հովվական և այլ պաշտոններով: Ութ կազմակերպված համայնքներ հովիվ չունին»:

Առաջնորդ սրբազան հոր, պատգամավորական ժողովի, թեմական խորհրդի ջանքերով

աշխատանքներ են կատարվում «առաջնորդարանի հսկողության ներքև» լրացնելու այդ պակասը արժանավոր հոգևորականներով «մեր Եկեղեցի և հասարակության առողջ և ապահով զարգացման և քարգավաճման համար»:

Այնուհետև պատգամավորական ժողովը զբաղվում է իր օրակարգի վրա դրված հարցերի քննությամբ և ընդունում է համապատասխան որոշումներ:

ԱՄՆ-ի հայոց արևելյան թեմի 78-րդ տարեկան պատգամավորական ժողովը ավարտում է իր աշխատանքները մայիսի 31-ին, հինգ միստեր գումարելուց հետո:

Թեմական պատգամավորական ժողովի առթիվ գումարվում են նաև առաջնորդարանի, հայ դպրոցների և կիրակնօրյա վարժարանների, երիտասարդաց կազմակերպությանը և տիկնանց միության համագումարները:

